



გარემოსდაცვითი ზედამხედველობის დეპარტამენტი

ელექტრო მოწყობილობების და აპარატურის (თანამდები მომსახურებით - მონტაჟით) (CPV – 31600000;) გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ.თბილისი

2014 წელი

სარჩევი

1. ინსტრუქცია ტენდერში მონაწილეობის
2. ტექნიკური დოკუმენტაცია
3. სახელმწიფო შესყიდვების შესახებ ხელშეკრულების პროექტი
4. დამატებითი ინფორმაცია
5. დანართი № 1 რეკვიზიტები
6. დანართი № 2 ტექნიკური დავალება
7. დანართი № 3 ფასების ცხრილი

1. ინსტრუქცია ტენდერში მონაწილეთათვის

იხ. „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

2. ტექნიკური დოკუმენტაცია

2.1 პრეტენდენტებმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

- ა) რეკვიზიტები დანართი №1-ის მიხედვით;
- ბ) სრული ინფორმაცია მისაწოდებელი საქონლის (თანმდევი მომსახურებით - მონტაჟით) შესახებ დანართი №2-ის მიხედვით.
- გ) სატენდერო წინადადების ფასი(გაფასება) დანართი №3-ის მიხედვით;
- დ) ინფორმაცია საგარანტიო ვადების შესახებ (შემოთავაზებულ საქონელზე უნდა ვრცელდებოდეს გარანტია არანაკლებ 1 წელი მიღება-ჩაბარების აქტის გაფორმებიდან, საგარანტიო ვადის განმავლობაში, მიმწოდებელი ვალდებულია საკუთარი ხარჯით უზრუნველყოს წუნდებული საქონლის, ან მისი ნაწილის შეკეთება ან შეცვლა ახლი ანალოგიური პარამეტრების მქონე საქონლით.)
- ე) ინფორმაცია სერვის-ცენტრ(ებ)ის შესახებ მისამართ(ებ)ის მითითებით. (ციმციმის ავტომანქანებზე დაყენებისათვის მიმწოდებელს ქ. თბილისში აუცილებლად უნდა გააჩნდეს მინიმუმ ერთი სერვისცენტრი).
- ვ) სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

2.2 ანგარიშსწორების პირობები:

- 2.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით
- 2.2.2 ანგარიშსწორება მოხდება უნაღდო ანგარიშსწორებით ლარებში.
- 2.2.3 ანგარიშსწორება მოხდება საქონლის მიწოდებისა და მიღება-ჩაბარების აქტის გაფორმების შემდეგ, მიღება-ჩაბარების აქტისა და საგადასახადო ანგარიშ-ფაქტურის (დღგ-ს გადამხდელის შემთხვევაში) წარმოდგენიდან არაუგვიანეს 20 (ოცი) კალენდარული დღის განმავლობაში.
- 2.2.4 წინასწარი ანგარიშსწორება (ავანსი) არ გამოიყენება.
- 2.2.5 პრეტენდენტს არა აქვს უფლება წარმოადგინოს ალტერნატიული წინადადება.

2.3 შესყიდვის ობიექტის ტექნიკური პარამეტრები:

- 2.3.1 შესყიდვის ობიექტია: 17 (ჩვიდმეტი) კომპლექტი ციმციმის შესყიდვა და მონტაჟი.
- 2.3.2 შესყიდვის ობიექტის ტექნიკური დავალება და ფასების ცხრილი მოცემულია დანართი №2-ის და დანართი №3-ის სახით.

2.4 მიწოდების პირობები და ვადები:

- 2.4.1 საქონლის მიწოდება და ავტომანქანაზე მონტაჟი უნდა განხორციელდეს ეტაპობრივად, ხელშეკრულების გაფორმებიდან 2014 წლის 25 დეკემბრის ჩათვლით, შემსყიდველის სიტყვიერი ან წერილობითი მოთხოვნიდან 5 (ხუთი) სამუშაო დღის განმავლობაში.
- 2.4.2 საქონლის მიწოდება ხორციელდება შემსყიდველის მისამართზე: ქ. თბილისი, გ. გულუას ქ. № 6, მე-6 სართული, ხოლო მოწოდებული საქონლის მონტაჟი ავტომანქანაზე განხორციელდება მიმწოდებლის მისამართზე.

2.5 დაფინანსების წყარო – სახელმწიფო ბიუჯეტის სახსრები.

2.6 შესყიდვის საგარეულო ღირებულება – 16 490 (თექვსმეტი ატას ოთხასოთხმოცდაათი) ლარი (დღგ-ს ჩათვლით).

2.7 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.8 სხვადასხვა ვალუტაში გამოსახული სატენდერო წინადადებები არ განიხილება.

2.9 ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

2.10 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

2.11 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

2.12 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2.13 პრეტენდენტს არა აქვს უფლება წარმოადგინოს ალტერნატიული წინადადება.

2.14 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით, ასევე შეუძლია სატენდერო კომისიის აპარატში, მისამართზე: ქ.თბილისი, გ. გულუას ქ. № 6, გარემოსდაცვითი ხელმძღვანელობის დეპარტამენტის, ფინანსური სამსახურის, ლოჯისტიკის განყოფილება მე-6 სართული. ტელეფონი: 2727287; 595000444; 595000555; 595108855. საკონტაქტო პირი: მიხეილ ბედოიძე, თამარ ყუფარაძე, თეიმურაზ სულხანიშვილი.

3. სახელმწიფო შესყიდვების შესახებ ხელშეკრულების პროექტი

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2011 წლის 7 აპრილის № 9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის მოთხოვნათა შესაბამისად, გარემოსდაცვითი ზედამხედველობის დეპარტამენტის მიერ სახელმწიფო შესყიდვის განხორციელების მიზნით, სახელმწიფო ბიუჯეტის სახსრებით, გამარტივებული ელექტრონული ტენდერის საშუალებით. (SPA -----) (CPV -----);

ერთის მხრივ გარემოსდაცვითი ზედამხედველობის დეპარტამენტი (შემდგომში **შემსყიდველი**) უფროსის ირაკლი მუკნიაშვილის სახით, მისამართი: ქობილისი, გ. გულუას ქ. № 6, ს/კ 206351758, ტელ: 727287. 595 000 444; საბანკო რეკვიზიტები: ცენტრალური საზინა, სახაზინო კოდი 3802, ხოლო მეორეს მხრივ -----

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება“ სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და გამარტივებულ ელექტრონულ ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება გამარტივებული ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 მიმწოდებელი იღებს ვალდებულებას მიაწოდოს და დაუმონტაჟოს შემსყიდველს ავტომანქანის ძარაზე (სახურავზე) დასამონტაჟებელი 17 (ჩვიდმეტი) კომპლექტი ახალი ციმციმა, (დანართი №1-ის ტექნიკური დავალებისა და ფასების ცხრილის შესაბამისად, რომელიც წარმოადგენს ხელშეკრულების განუყოფელ ნაწილს) (შემდგომში საქონელი) ამ ხელშეკრულების პირობების შესაბამისად.
- 2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

3. საქონლის ღირებულება

- 3.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის გათვალისწინებით (მათ შორის ტრანსპორტირების და მონტაჟის) შეადგენს ----- ლარს.
- 3.2 ერთი ერთეული ციმციმას ღირებულება შეადგენს ----- ლარს.
- 3.3 ერთი ერთეული ციმციმას მონტაჟის ღირებულება შეადგენს ----- ლარს.

4. საქონლის მიღება-ჩაბარება

- 4.1 საქონელი ჩაითვლება მიღებულად მხოლოდ სასაქონლო ზედნადებზე და შესაბამის მიღება-ჩაბარების აქტზე შემსყიდველის მხრიდან ხელმოწერის შემდეგ.
- 4.2 საქონლის მიღების დამადასტურებელ დოკუმენტაციას აფორმებენ სათანადოდ უფლებამოსილი პირები ხარისხისა და რაოდენობის მიხედვით.
- 4.3 მიღება-ჩაბარების აქტისა და სასაქონლო ზედნადების საფუძველზე შემსყიდველი ახდენს ანგარიშსწორებას მიმწოდებლისგან მიღებული საქონლისათვის.
- 4.4 საქონლის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 4.5 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

5. საქონლის მიწოდების ვადები და ადგილი

- 5.1 საქონლის მიწოდება და ავტომანქანაზე მონტაჟი უნდა განხორციელდეს ეტაპობრივად, ხელშეკრულების გაფორმებიდან 2014 წლის 25 დეკემბრის ჩათვლით, შემსყიდველის სიტყვიერი ან წერილობითი მოთხოვნიდან 5 (ხუთი) სამუშაო დღის განმავლობაში.
- 5.2 საქონლის მიწოდება და ავტომანქანაზე მონტაჟი ხორციელდება შემსყიდველის მისამართზე: ქ. თბილისი, გ. გულუას ქ. № 6.

6. მხარეთა უფლება-მოვალეობანი

- 6.1 მიმწოდებელი ვალდებულია მიაწოდოს შემსყიდველს ნივთობრივად უნაკლო საქონელი.
- 6.2 მიმწოდებელი უფლებამოსილია მოითხოვოს ანაზღაურება ამ ხელშეკრულების პირობების შესაბამისად.
- 6.3 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.
- 6.4 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.5 შემსყიდველია უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.

7. გარანტია

- 7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და მისი ექსპლუატაციის ნორმების დაცვის შემთხვევაში, არ გამოავლენს დეფექტს და შეესაბამება ხელშეკრულების მოთხოვნებს.

7.2 მოწოდებულ საქონელზე უნდა ვრცელდებოდეს გარანტია არანაკლებ 1 (ერთი) წელი.

8. ანგარიშსწორება

8.1 ანგარიშსწორება მიმწოდებელთან განხორციელდება საქონლის მიწოდების და მონტაჟის შემდეგ, მიმწოდებლის მიერ საგადასახადო ანგარიშ-ფაქტურის, მიღება-ჩაბარების აქტისა და სასაქონლო ზედნადების წარდგენიდან 20 (ოცი) კალენდარული დღის განმავლობაში.

8.2 ანგარიშსწორება განხორციელდება უნაღდო ანგარიშსწორების ფორმით.

8.3 ანგარიშსწორება მიმწოდებელთან განხორციელდება ლარებში.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარეშე.

9.2 თუ რაიმე წინასწარ გათვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 მიმწოდებელი კისრულობს პასუხისმგებლობას გადაუხადოს პირგასამტეხლოს სახით შემსყიდველს ამ ხელშეკრულებით გათვალისწინებული საქონლის მიწოდების ვადების დარღვევის შემთხვევაში დაგვიანებით მიწოდებული საქონლის ღირებულების 0,1 (ნული მთელი ერთი მეათედი) პროცენტი ყოველი ვადაგადაცილებული დღისათვის.

11.2 მხარეები თანხმდებიან, რომ თუ მიმწოდებლის მიერ, საქონლის მიწოდების ვადების გადაცილებისათვის დაკისრებული პირგასამტეხლოს საერთო ოდენობა გადააჭარბებს მიუწოდებელი საქონლის ღირებულების 10 (ათი) პროცენტს, შემსყიდველი უფლებამოსილია ყოველი ვადაგადაცილებული დღისათვის დაკისრებული პირგასამტეხლოსთან ერთად დააკისროს მიმწოდებელს პირგასამტეხლო ხელშეკრულების მთლიანი ღირებულების 10 (ათი) პროცენტის ოდენობით და გააწყვიტოს ხელშეკრულება.

11.3 პირგასამტეხლოს გადახდა არ ათავისუფლებს მიმწოდებელს ნაკისრი ვალდებულების შესრულებისაგან.

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების შესრულების კონტროლი

13.1 შემსყიდველს უფლება აქვს მიმწოდებლის მიერ საქონლის მიწოდებისას, განხორციელოს კონტროლი და/ან გამოცადოს საქონელი. კონტროლს ახორციელებენ შემსყიდველის წარმომადგენლები: გარემოსდაცვითი ზედამხედველობის დეპარტამენტის ფინანსური სამსახურის ლოჯისტიკის განყოფილების თანამშრომლები (შემდგომში „ინსპექტირების ჯგუფი“).

13.2 ინსპექტირების ჯგუფის ფუნქციებია:

13.2.1 გაუწიოს კონტროლი საქონლის მოწოდების ვადების ხელშეკრულების მოთხოვნებთან შესაბამისობის დადგენას.

13.2.2 დაადგინოს შეესაბამება, თუ არა მიწოდებული საქონელი ხელშეკრულების მოთხოვნებს.

13.2.3 უზრუნველყოს მიწოდებული საქონლის მიღება.

13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

14.1 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა დონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2015 წლის 31 იანვრის ჩათვლით, გარდა ამ ხელშეკრულების მე-7 მუხლისა.

16.2 ხელშეკრულების მე-7 მუხლი ძალაშია ხელმოწერის დღიდან და მოქმედებს გარანტიის სრული პერიოდის განმავლობაში.

16.3 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე, სამი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მონაწილე მხარეებთან.

„შემსყიდველი“

„მიმწოდებელი“

4. დამატებითი ინფორმაცია:

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. მისამართზე: ქ.თბილისი, გ. გუგუას ქ. № 6, გარემოსდაცვითი ზედამხედველობის დეპარტამენტის ფინანსური სამსახურის ლოჯისტიკის განყოფილებაში, მე-6 სართული. ტელეფონი: 2727287; 595000444; 595000555; 595108855. საკონტაქტო პირი: მიხეილ ბედოიძე, თამარ ყუფარაძე, თეიმურაზ სულხანიშვილი.

5. რეკვიზიტები:

5.1 პრეტენდენტის იურიდიული ფორმა და დასახელება;

5.2 ხელმძღვანელის სახელი და გვარი;

5.3 პრეტენდენტის იურიდიული ან/და ფაქტიური მისამართი;

5.4 საიდენტიფიკაციო კოდი;

5.5 პრეტენდენტის ტელეფონის ნომერი;

5.6 ელექტრონული მისამართი;

5.7 მომსახურე ბანკის დასახელება და ბანკის კოდი;

5.8 ანგარიშსწორების ანგარიში.

5.9 სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

6. ტექნიკური დავალება

6.1 შესყიდვის ობიექტს წარმოადგენს 17 (ჩვიდმეტი) კომპლექტი ციმციმის შესყიდვა და მონტაჟი.

№	საქონლის დასახელება	საქონლის ტექნიკური აღწერილობა	განზ. ერთ.
1	ციმციმა	- ავტომატური ძარაზე (სახურავი) დასამონტაჟებელი ციმციმა ღურჯი ნათების შექდითობით და ხმოვანი სიგნალების რეჟიმებით, მათი დისპლეიდან მართვის შესაძლებლობით; - პულტზე უნდა იყოს ჰორნიზა და სირენის დილაკები განთავსებული, HI-FI ხმებით, ასევე პულტზე უნდა იყოს ხმის სიმძლავრის რეგულირების დილაკი; - პულტი მართვის ბლოკთან დაკავშირებული უნდა იყოს RJ 12 ტიპის კონექტორით; - სირენების ბლოკის სიმძლავრე არანაკლებ: 100 ვატი; - ხმამაღლამოლაპარაკის სიმძლავრე არანაკლებ: 100ვატი; - ხმამაღლამოლაპარაკე განთავსებული უნდა იყოს შექდითობებს შორის, ციმციმას წინა და უკანა მხარეს განთავსებული უნდა იყოს არანაკლებ: 18 ცალი შექდითური მოდული; - ნათების სიმძლავრე არანაკლებ: 90ვატი; - ციმციმას ზომები: სიგრძე 1200მმ +/- 5მმ, სიგანე 300მმ +/-5მმ, სიმაღლე 195მმ +/- 5მმ. - ციმციმას კომპლექტაციაში უნდა გააჩნდეს შესაბამისი გაყვანილობა და საჭირო აქსესუარები ავტომატურად მონტაჟისთვის; - საგარანტიო მომსახურება არანაკლებ: მონტაჟიდან 1 წელი.	კომპლექტი
2	მონტაჟი	ციმციმის ავტომატურად მონტაჟი.	ცალი

აუცილებელი პირობა: „წინადადების მიღება დასრულებულია“ სტატუსის მინიჭების მეორე დღეს ყველაზე დაბალი ფასის მქონე პრეტენდენტი ვალდებულია წარმოადგინოს სამუშაო დღის დასრულებამდე (19.00სთ.) შემოთავაზებული საქონლის ნიმუში.

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შასპის ცხრილი

№	საქონლის დასახელება/ტექნიკური მახასიათებლები	განზ. ერთ	რ-ბა	მწარმოებელი ქვეყანა/მარკა/მო დელი	ერთეულის ფასი	საერთო ფასი
1	ციმციმა	კომპლექტი	17			
2	ციმციმის მონტაჟი	ცალი	17			
სულ ჯამი:						

პრეტენდენტის დასახელება -----

თანამდებობა, სახელი, გვარი -----

ხელმოწერა და ბეჭედი -----

შენიშვნა:

- სატენდერო წინადადებაში საერთო და ერთეული ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან (მათ შორის: ტრანსპორტირების და ავტომატური მონტაჟი) დაკავშირებული ყველა გადასახადის გათვალისწინებით.
- გამარჯვებულმა პრეტენდენტმა უნდა წარმოადგინოს ვაჭრობის შედეგად დაფიქსირებული საბოლოო ფასების ცხრილი. ფასების ცხრილი წარმოადგენს ხელშეკრულების განუყოფელ ნაწილს.
- პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი და ბეჭედდასმული უნდა იყოს ხელმძღვანელის ან მის მიერ უფლებამოსილი პირის მიერ.